

Ezhichigaadeg Zhaaganaashiiwaki: Anishinaabe inakonigewinan gaye Ezhichigaadeg Aki Mazina'igan

2023

Mii iwe ezhinaagwak Aki

Ezhichigaadeg Zhaaganaashiiwaki [Anishinaabebe inakonigewin](#) (IAC gemaa gaye Gaa-niigaanaginowaad) apii gaa-ozhichigaadeg Maangogiizis 2019 oshki-izhichigewin [Aaniin Enishkaagemagak Inakonigewin, 2019](#), akawe ji-bizindawindwaa Anishinaabeg, Eshkiimeg gaye Wiisaakodewininiwag ekidowaad omaa ge-izhichigeng gaye ge-izhichigesiing.

Gaa-niigaanaginowaad gii-onaakonigaade izhichigewinan Aaniin Enishkaagemagak Inakonigewin in 2019, apii gaa-aanjichigaadegin Canadian Environmental Assessment Act, 2012 mii o'apii gaa-aanjichigaadeg Aaniin Enishkaagemagak Inakonigewin, 2019 (the Act), mii dash owe ezhinaagwak izhichigewin The Impact Assessment Agency of Canada (the Agency).

Mii owe bezindawind gegoo gaa-meshkojisegin [Gaa-Naanaagajitoowaaj Akiini gaye Gaa-Izhiwebak Akiigaang](#) dibaajimowag izhichigewinan ge-onji-gikenamang gegoo.

IAC dibaajimowag gaa-maazhidoodamawindwaa Anishinaabeg gichi-ogimaa gagwejimaa ji-gwayakosidood gegoo gaa-maazhidoodaading. Anishinaabe Inakonigewinan giga-wiindaagoog niinawind eshtigeyaang wii-gwayakosidooyaang gegoo, enaabaji'angid a asemaa dazhindamaang gwayakowichigewinan, aazha niibiwa gegoo gii-dibaajimowag Anishinaabe Inakonigewin.

Apii 2019, Anishinaabe Inakonigewin gii-tibaajimowag ge-izhi-minoseg gegoo. Aazha nawaj gegoo gaa-gii-wiindamaageyaang izhichigewinan:

- [Aazha gii-ozhibii'igaadewan wanichigewinan ge-izhi-gwayakosingiban \(o'apii gaa-inakamigak - Manoominikewigiizis 2020\)](#)
- [Aazha gaa-gii-ozhibii'igaade mazina'igan ji-oko'idiyang \(gaa-gii-taangibii'amawaad ogowe Anishinaabe Inakonigewin - Maangogiizis 2021\)](#)
- [Aazha gaa-gii-aanjibii'igaadeg omaa \(apii Binaakwiiwigiizis 2021\)](#)
- [Mazina'igan gaa-gii-ozhichigaadeg waa-izhichigeng omaa akiing – Zenagakin gaye Ezhinaagwakin \(Ode'iminikewigiizis 2021\)](#)
- [Model Collaboration Agreement imaa federal impact assessment – \(Anishinaabe Inakonigewin gii-tebwetamoog - Zaagibagaawigiizis 2022\)](#)
- [Anishinaabe Inakonigewin ogii-ozhitoon mazina'igan ji-nisidawinigaadegin Anishinaabe Izhitwaawinan \(Anishinaabe Inakonigewin gii-tebwetamoog - Ode'iminikewigiizis 2022\)](#)

Ogowe gaa-dazhiikamowaad Anishinaabe Inakonigewin

Endaswewaanagiziwaad enokaadamowaad [ashi-niizhiwag](#), Anishinaabe, Eshkiimeg gaye Wiisaakodewininiwag gaa-gikinawaadaginowaad. Ezhi-gikendaasowaad izhichigewinan ogikendaasowiniwaa onji-onaabamaawag. Anishinaabe gikendaasowinan daa-dzhinjigaadewan miwag ogowe gaa-gii-onaabamindwaa.

Anishinaabe Inaakonigewin wii-kikendamoo aabadakin odikidoowiniwaan *Aaniin Enishkaagemagak Inaakonigewin*. Endazhiikamawaad aki ogagwejimaawaa' Anishinaabe Inaakonigewin nisidotaadiwin ge-izhi-gagwedwewaad. Ji-nisidotaagwakin Anishinaabe Inaakonigewinan, weweni ji-nisidawinigaadeg izhichigewinan, nawaj geyaabi ji-gagwedweng.

Mii omaa ayaagin mazina'iganan

Mii awe mazina'igan debaajimomagak aazha o'apii eko-naanobiboonagak, wegimaawaadizid o'owe odikidowinan. Mii omaa naagwakin ani-maajiishkaagin izhichigewinan. Mii owe nitam dibaajimowin ge-naanaagadawaabanjigaadegin Maangogiizis 2019 biinish Aandegogiizis 2022.

Jibwaa-wiindegin Anishinaabe Inaakonigewin (IAC) 2019 Aaniin Enishkaagemagak Inaakonigewin, jibwaa-o'apii gaawiin gegoo gii-kakwedwesiim onji-anishinaabe Inaakonigewin (Anishinaabe, Wiisaakodewiniwag gaye Eshkiimeg). Gii-ozhichigaade Anishinaabe Inaakonigewin mii omaa gaa-onjiigin wenji-nisidotaadiyang. Mii omaa ge-ondinimang giishpin gegoo wii-meshkojitooyang. Owe gaa-anokaadamaang niwiji'igoomin Anishinaabe Inaakonigewinan. Geyaabi ayaa ge-izhichigeyang giga-wiji'igoomin wiindanokiindiyang.

Stanley Oliver

Anishinaabe Inaakonigewinan Ezhi-jiikinaagwakin



Owe gii-ozhichigaade Anishinaabe Inaakonigewinan:

Nitam gii-maajitaang gii-ozhibii'igaadewan inanokiwinan, ge-ezhi-wiindanokiindiyang ge-izhi-wijitwaayang Endazhiikamawaad aki.

Anishinaabe Inaakonigewin ogii-tazhindaanaawaan gechi-inendaagwakin gii-naabadawendamoo. Anishinaabe Inaakonigewin ayaa pii oshki-dibaajimowinan ogii-wiindamawaawaan Gaa-niigaanizinid Ogimaa'. Gewinawaa Gaa-dazhiikamawaad Aki oshki-dibaajimowinan dazhiikamawaad. Gabeya'ii ogii-dazhiikaanaawaa oko-anokiwin, weweni ji-gikendaagwakin inaakonigewinan.

Anishinaabe Izhitwaawinan

IAC nitam gii-wiindamawaad gaa-niigaanizinid [Aazha gii-ozhibii'igaadewan wanichigewinan ge-izhi-gwayakosingiban Manoominikewigiizis, 2020](#). Ogii-nisidawinaanaawaan Anishinaabe Inaakonigewinan Anishinaabe Gikendaasowin Eko-inenjigaadeg Inaakonigewin gaye Izhichigewin Naanaagadawaabanjigaade gaye Ikidowin Ji-onji-maminoseg weweni ji-nisidotamang maanaaji'idiwinan ezhi-bebakaaniziyang. Anishinaabe Inaadiziwinan inaakonigewinan ji-nisidotaming onji-idiwinan.

IAC miinawaa Endazhiikamawaad aki oko-wiji'idiwag, wenji-nisidawinaagwakin ezhi-niizhigin inaakonigewinan. Endazhiikamawaad Aki ji-nisidawendamawaad minji-niizh inaakonigewinan, mewinzha nitam inaakonigewinan gii-naagwad Anishinaabe inaakonigewinan.

Gakina Anishinaabe Inaakonigewinan gii-aabadadoon imaa [Anishinaabe Gikendaasowin Eko-inenjigaadeg Inaakonigewin gaye Izhichigewin Naanaagadawaabanjigaade gaye Ikidowin Ji-onji-maminoseg](#), mii omaa gaa-onji-gikendang Anishinaabe ge-izhi-wiji'aad Zhaaganaashii ogimaan.

Anishinaabe Inaakonigewin ogii-naagwatoonaawaa odanokiwinawaan International Association of Impact Assessment in Zaagibagaawigiizis 2022, gaye International impact assessment community.

Onowe Inawendiwinan. Ezhi-maamaawendaagoziyang omaa akiing- ezhi-anishinaabewiyang. Anishinaabe Inaakonigewin gaye Endazhiikamawaad aki oko-idiwin.

Susan Chiblow

Naanaagadawaabanjigaadegin Anishinaabe Izhitwaawinan

Nitam gii-maajitaang Anishinaabe Inaakonigewin onowe eta [gigii-tazhindaamin](#) Anishinaabe Izhitwaawinan. Anishinaabe Inaakonigewin nawaj geyaabi gii-izhibii'igewag 2021-22 Principles to Guide the Assessment: Anishinaabe Inaakonigewin imaa doodaadawinan, Endazhiikamawaad aki. Ezhibii'igaadeg mazina'igan nawaj geyaabi ji-wijitwaawaad Anishinaabe Inaakonigewinan. Mii owe Anishinaabe ge-wiji'igod ji-debwetawindwaa ji-ganawendamang gidizhitwaawinaanin.

Anishinaabe Inaakonigewinan odazhiikanaawaan eko-niizhing anokiiwin, mii owe mazina'igan ge-dibaajimomagak ge-izhi-gwayakojigengiban, aazha iwe niigaan gaa-gii-dibaadondegin. Anishinaabe Inaakonigewinan ji-gikendaagwakin ezhi-ganawendamang Anishinaabe Izhitwaawinan, Endazhiikamawaad aki gaye Eshkiimeg gaye Anishinaabewakiing.

Ezhi-nisidawinamang Anishinaabewaki manaajichigewinan.

Susan Chiblow

Wiidanokiindiwinan:

Anishinaabe Inaakonigewinan odazhiikaanaawaa waa-wiidanokiimangwaa naagaj. Apii gaa-maajiseg Anishinaabe Inaakonigewin [Aazha gaa-gii-ozhibii'igaade mazina'igan ji-oko'idiyang \(gaa-gii-taangibii'amawaad ogowe Anishinaabe Inaakonigewin, Maangogiizis 2021\)](#). Miiwan onowe gaa-ozhichigaadeg mazina'iganan ge-onji-gaganoondiyang, naagaj ge-wiji'igooyang. Aazha gii-naanaagadawaabanjigaadewan mazina'iganan ge-onji-wiidanokiimindwaa Anishinaabeg [Collaboration in Impact Assessments](#). Onowe mazina'iganan gigwayakoshiiminaanin, gegaa naasaab UN Declaration on the Rights of Indigenous Peoples, the Truth and Reconciliation Commissions Calls to Action, gaye the Principles Respecting the Government of Canada's Relationship with Indigenous Peoples.

Aabajitoon onowe mazina'iganan ji-wiidanokiimindwaa gakina Enishinaabewininiwaad. Aanawi gaawiin naasaab, ikidomagasinoon mii dash igo onowe ge-wiji'igooyang. Anishinaabe Inaakonigewinan onaanaagadawaabandaan gegoo geyaabi "ge-aanjichigaadeginban" Anishinaabe Inaakonigewinan ogikendaanaawaa ge-izhi-mino-gaganoonindiyang, aanawi gegoo maagizhaa dayaandisijigaadewan.

Anishinaabe Inaakonigewin ezhi-nisidotang owe mazina'igan Endazhiikamawaad aki odaabajitoonaawaa ezhi-gikendaasowaad, ezhi-bizindamawaad Endazhiikamawaad aki. Miinawaa bezhig mazina'igan gii-ozhichigaade ji-wiidanokiimindwaa Anishinaabeg.

[Gekendaasowaad](#) gaa-wijitwaawaad Anishinaabe Inaakonigewining. Eyaawaad Anishinaabeg, Wiisaakodewininiwag, gaye Eshkiimeg, ezhi-gikendaasowaad. Iwe gaa-ikidowaad giinawind ezhi-gikendaasoyang.

Apii ozhichigaadeg mazina'igan ge-onji-wiji'indwaa Anishinaabeg, Wiisaakodewininiwag, gaye Eshkiimeg mii owe ji-naagwakin ikidowinan ogowe Endazhiikamawaad aki *Impact Assessment Act*. Mazina'igan dayaabadad ji-dazhinjigaadeg ji-maajii-dazhindamang inaakonigewinan omaa anishinaabewakiing [Indigenous Cooperation Agreement Regulations and Policy Approach under the Impact Assessment Act](#).

Gekendaasowaad

Inaabing waasa niigaan

O’apii Zaagibagaawigiizis 2022, Anishinaabe Inaakonigewinan wegimaakandang niswewaan gegoo ogii-ozhitoonan endawendan izhichigewinan:

1. Anishinaabe Gikendaasowin- Andawendam ji-aabadakin Anishinaabewitwaawinan;
2. Aaniin maagizhaa ge-meshkojiseegin gizhitwaawininaanin- Aaniin ge-izhichigeng ji-gwayakochigeng Anishinaabe Inaakonigewin ogii-ozhitoon mazina’igan ji-nisidawinigaadegin Anishinaabe Izhitwaawinan; gaye,
3. Ge-izhebakiban dazhinjigaade- Aaniin ezhiwebak noongom. Maagizhaa ge mii awe gegoo ge-onji-noondamangoban, gemaa gaye anokiiwin ji-naagwak Technical Advisory Committee gemaa gaye waawiindamaading.

Anishinaabe Inaakonigewinan maagizhaa ji-noondamawaad ezhi-gwayakochigeng, ji-waawiindamaading meshkojijigewinan, gabeya’ii ji-wiidanokaadamang.

Zenagakin

Anishinaabe Inaakonigewin zanagendaagwak ezhi-bakaanak onjida go ji-naanaagadawendamang *Aaniin Enishkaagemagak Inaakonigewin*. Anishinaabe Inaakonigewinan naanaagadawendamawaad giniigaaniiminaan ge-izhi-wiiji’iwetaagoziwaad Endazhiikamawaad aki, onjida go ji-gikendamawaad *the Act*.

Nitam gii-wiidanokiimagwaa gaa-naananiwaad gaawiin igo aapiji gegoo. Nashke onowe gaa-zanagakin noondese zhooniyaa iniwe ge-gii-izhichigengiban ji-gii-maamayoobiayangiban ge-onji-minonaagwak gegoo.

Owe dash noongom gaa-inakamigak aabajtooyaan indikidoowin ningii-gashkitoon ji-ganoojigetamawagwaa Anishinaabeg, mii owe gaa-wiiji’igoowaan dazhindamaan gichi-izhichigewinan.

Ningii-piinibii’odiz IAAC’s Indigenous Advisory Committee in 2019 bi-onji-gikendamaan ikwe enendang, ezhi-gikendamaan gegoo ji-meshkojijigeyaan. Niminwaabandaan eshtigewaad Dezhiikamawaad aki, ge-noondamaan ezhi-wiiji’iding. Niibiwa geyaabi gegoo anokiiwin, gabeya’ii da-izhise.

Angel Ransom

Anishinaabe Inaakonigewin ji-wiindamaading minoseg wiiji’idiwin omaa Zhaaganaashiiwakiing. Anishinaabe Inaakonigewinan gaawiin gagwe-baazhizigaagesiiwag aazha gaa-gii-ikidong da-niigaaniimagad.

Anokaadegin Gechi-apiitendaagwakin

Ezhi-bepeshibii’igaadegin da-naagwadoon wiiitwaawinan Anishinaabe Inaakonigewin, o’owe apii gii-inakamigad 2018 - 2023. Ezhi-andawendamang ogowe Gaa-dazhiikamawaad aki ji-naanaagadawaabandamawaad ji-bi-nakwebii’igewaad giishpin gii-odaapinamawaad gidikidowinaanin.

Onowe gechi- apiitendaagwakin	Gaa-izhinaagwak	Izhichigewinan gaye gashkijigewinan	Niigaaniziiwikidowinan
Anishinaabe gikendaasowinan	Anishinaabe Inaakonigewin da-dibaajimo Interdepartmental Indigenous Knowledge Policy Framework. (2020) Anishinaabe gagiikwewinan omaa akiing: Aazhawinaadiwinan gikinoo'amaadiwinan (e.g.; Anishinaabe manaajichigewinan, mazina'iganan ochichigaadegin ji-wiindamaading). (2021-22) Aazhawinaadiwinan gikinoo'amaadiwinan (e.g., ji-dazhinjigaadegin manaajichigewimazina'iganan ge-miinindwaa Endazhiikamawaad aki ge-anokaadamawaad) (22 - 23)	• Ji-dibaadodegin inanokiiwinan IK Policy Framework” gaye Interdepartmental IK Policy Framework • Wiindamaading Anishinaabewichigeiwinan IK Policy Framework • Ji-naagwatoowaad waa-izhichigewaad imaa International Association for Impact Assessment Conference • Ji-maamawi'iding ge-onji-gikenindiyang wii-wiji'idiyang Technical Advisory Committee • Dibaadondegin Anishinaabe gagiikwewinan omaa akiing.	• Weweni ji-nisidotamang Anishinaabe inaadiziwin gaye izhichigewinan geyaabi aanind da-naagwatoon naagaj. • Anishinaabe manaajichigewinan ezhi-ganawendamang, gaye ji-wiidanokiindiyang miinawaa ji-nisidotaadiyang. • Manaajichigewin Anishinaabewichigewinan weweni ji-ganawenjichigaadegin • Anishinaabeg genawendamawaad manaajichigewinan gaye gagiikwewinan weweni ji-nisidotamawaad omaa Zhaaganaashiiwakiing. • Anishinaabe ayaapiich inaa ji-naanaagadawaabanjigaadegin.
Geyaabi ji- naanaagadawaabanjigaadegin Anishinaabewitwaawinan gaye ikidowinan	Ji-wiindamawindwaa enokaadamowaad aki manaajichigewinan. Ji-gikendamawaad Anishinaabe gagiikwewinan geyaabajitoowaad omaa akiing. (2020)	• Ji-wiindamawindwaa enokaadamowaad aki manaajichigewinan • Aabajitoon aazha gaa-gikendamang gagiikwewinan onowe	Mii owe mazina'igan ge-wiindamaagooyang gegoo ji-wanichigesivan Anishinaabewitwaawin: • Iniwe gakina Anishinaabewitwaawinan.

Onowe gechi- apiitendaagwakin	Gaa-izhinaagwak	Izhichigewinan gaye gashkijigewinan	Niigaaniziiwikidowinan
	Geyaabi ji-naanaagadawaabanjigaadegin Anishinaabewitwaawinan gaye ikidowinan: Ji-gikendaman gigikinoo’amaagoowinan izhaayan Anishinaabekaang awe anokaadamang. (2021-22) Minjimendan gigikinoo’amaagoowinan onji-anishinaabewakiing. (22-23)	Anishinaabe Izhitwaawinan • Ozhitoon mazina’igan ge-onji-gikendamang Anishinaabewitwaawinan.	• Waabandan ge-manaajitooyan Anishinaabewitwaawinan. • Biminizha’an onowe Anishinaabewitwaawinan ge-wiiji’igoyan. • Onaabandan ge-onji-wiidanokiimadwaa Anishinaabeg. Ji-minjimendaman onowe Anishinaabewitwaawinan: • Aabajitoon Anishinaabe inaadiziwinan noashke ogowe odoodemiwaa’ gaye Anishinaabe wiinzowinan. • Weweni gikendan ezhichigeyan gegoo ji-bitagoshkanzhiwan. • Minjimendan gwayakochigewin gaasiibii’an maashtigewin.
Wiidanokiim Anishinaabeg apane	Minjimendan gikikiinoo’amaagoowinan wiidanokiimindwaa Anishinaabeg nashke owe asemaa gii-aazhawinimaading, nashke owe gaa-izhibii’igaadeg mazina’igan. (2020)	• Minjimendan aazha gaa-gii-wiindamaading ji-wiidanokiindiyang gaye IAAC • Anokaadan “Mazina’igan gaa-gii-ozhichigaadeg waa-izhichigeng omaa	Wiidanokii mazina’igan gaa-gii-ozhitooyang onowe daa-ayaawan • Mii owe waa-izhichigeyaang • Ji-wiidanokiindiyang • Gego niibiwa aabajitooken owe Wemitigoozhiiwizhichigewinan

Onowe gechi- apiitendaagwakin	Gaa-izhinaagwak	Izhichigewinan gaye gashkijigewinan	Niigaaniziiwikidowinan
	Nawaj geyaabi ji-wiidanokiindiyang: Ji-bizindawindwaa enakiidamawaad aki owe “Principles to Inform Collaboration Agreements Between Indigenous Nations and the Impact Assessment Agency of Canada.” (2021-22)	akiing: Zenagakin gaye Ezhinaagwakin” • Ozhitoon mazina’igan Model Collaboration Agreement ge-dibaajimomagak wiidanokiwindiwin • Maawandoon aanind awiya ge-wiidanokiindamawaad “the Circle of Experts” mazina’igani anokiiwinan Indigenous Cooperation Agreement Regulations gaye Policy Framework Gakina gegoo giigii- giizhichigaadewan inanokiiwinan ogowe Endazhiikamawaad aki. Da-bizindawaawag weweni biminzha’amaang izhichigewinan omaa akiing UN Declaration on the Rights of Indigenous Peoples and the Truth and Reconciliation Committee Calls to Action. Geyaabi anokiiwag Circle of Experts.	• Mino-anokiiwinan • Mino-wanokiiwinan Akawe naanaagadawendan waa- inaabajitooyan mazina’igan Model Collaboration Agreement, mazina’igan ge- wijitwaamagak wegonen endawendaman.

Onowe gechi- apiitendaagwakin	Gaa-izhinaagwak	Izhichigewinan gaye gashkijigewinan	Niigaaniziiwikidowinan
Ge-gibisikaagiban	Ge-onji-wiindamawindwaa enokiidamawaad Endazhiikamawaad aki gaye Anishinaabe Inaakonigewin. (2021-22)	• Naanaagadawaabandan mazina'igan Tailored Impact Statement Guidelines (TISG) • Dibaadondan gegoo gaa-gii-minosegin Circle of Experts. • Gaa-izhichigewaa Anishinaabe Inaakonigewin naanaagadawaabandan: Da-ozhichigaade mazina'igan aazha gaa-bi-ayishchigeng o'o apii. • Aazha gii-ozhichigaade mazina'igan debaajimomagak gaa-izhichigewaad enakaadamowaad aki • Da-ozhibii'igaade gaa-gii-gikinoo'amawindwaa ge-anokiowaad Impact Assessment for Proponents and Federal Authorities •	• Naagwad apii geget gii-kiizhichigaadeg enakaadamawaad aki • Ozhibii'igaade epiitendaagwak gagwejimindwaa akawe Anishinaabeg. • Weweni ji-aabadakin gaa-gii-wiindamaading izhichigewinan Endazhiikamawaad aki. • Ji-debisiwaad ge-anokaadamawaad gaye ji-dibised zhooniyaa. • Giishpin gegoo geyaabi andawendaagwak izhichigewinan.